

ავტომანქანის შეკეთება და ტექნიკური მომსახურება (სერვისი) გულისხმობს სსიპ კიბერუსაფრთხოების ბიუროს ბალანსზე არსებული სამი ერთეული ავტომანქანის (TOYOTA LC 100 JTEHTO5J632038476/ ძრავის მოცულობა 4.7/ ბენზინი, გამოშვების წელი 2002, ავტომატიკა, Mitsubishi pickup L 200, ძრავის მოცულობა 2.5. - დიზელი გამოშვების წელი 2015 მექანიკა MIMBJNKL30GH045626 და renault logan ს/ნ VF14sreb450456559. ძრავი 1598 გამოშვების წელი 2014) დროულ და სრულყოფილ შეკეთებას, პროფილაქტიკური და დიაგნოსტიკური სამუშაოების ჩატარებას, ავტომობილის ნაწილების შეკეთებას და/ან გამოცვლას, ევაკუატორით მომსახურებას.

1.2.1 ავტომანქანის ტექნიკური მომსახურება უნდა განხორციელდეს პრეისკურანტში მითითებული შესაბამისი საქონლის და მომსახურების შესაბამისად, მიმწოდებელსა და შემსყიდველ ორგანიზაციას შორის თითოეულ კონკრეტულ შემთხვევაში დეფექტური აქტის შედგენის შემდეგ, რომელშიც მითითებული უნდა იყოს გასაწევი მომსახურების ან/და ასეთი მომსახურებისათვის საჭირო საქონლის (სათადარიგო ნაწილების) ჩამონათვალი.

1.2.2 თუ ხელშეკრულების მოქმედების პერიოდში აღმოჩნდება, რომ განფასების ცხრილში (პრეისკურანტში) არ არის გათვალისწინებული იმ მომენტისათვის საჭირო საქონელი (ნაწილები და საცხებ საპოხი) და მომსახურება, აღნიშნული ერთეულ(ებ)ის ფასი, მისი შესყიდვის აუცილებლობისას, დგინდება მხარეთა შორის შეთანხმებით, საბაზრო ფასის გათვალისწინებით. ასეთ შემთხვევაში პრეისკურანტში საქონლის რომელიმე ერთეულ(ებ)ის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

1.2.3 პრეისკურანტის სავარაუდო ღირებულება განისაზღვრება 268496.05 (ორას სამოცდარვაათას ოთხას ოთხმოცდა თექვსმეტი ლარი და 05 თეთრი) ლარით დღგ-ს ჩათვლით (Toyota lc100-131907.45 ლარი, Mitsubishi pickup L200-99009.80ლარი და Renault logan- 37578.8 ლარი).

1.2.4. ტენდერში გამარჯვებულ პრეტენდენტთან ხელშეკრულება გაფორმდება 13500.00 (ცამეტიათას ხუთასი) ლარზე დღგ-ს ჩათვლით.

1.2.5. სატენდერო წინადადების ფასი წარმოდგენილი უნდა იყოს სატენდერო დოკუმენტაციის პრეისკურანტში მოცემული საქონლის და მომსახურების ერთეულის ფასების ჯამური ღირებულების შესაბამისად, მაგრამ არაუმეტეს ტენდერის ჩატარების შესახებ, განცხადებაში მითითებული პრეისკურანტის სავარაუდო ღირებულებისა.

1.2.6. პრეტენდენტის მიერ, შესყიდვების ერთიანი ელექტრონული სისტემის მეშვეობით, წარმოდგენილ მომსახურების პრეისკურანტში მითითებული ერთეულის ფას(ებ)ი არ უნდა აღემატებოდეს შემსყიდველის მიერ მომსახურების პრეისკურანტის შესაბამის გრაფაში მითითებულ ერთეულის სავარაუდო ფას(ებ)ზე.

1.2.7 პრეტენდენტის მიერ, სისტემაში ატვირთული პრეისკურანტის ჯამურ ღირებულებას და ვაჭრობის შედეგად დაფიქსირებულ ფასებს შორის სხვაობის შემთხვევაში, სხვაობა საჭიროა პროპორციულად გადანაწილდეს პრეისკურანტში მოცემულ ყოველ ცალკეულ პოზიციაზე. ამისათვის, პრეისკურანტის ჯამური ღირებულების დაზუსტებისას, პრეტენდენტმა პროპორციულად უნდა შეამციროს თითოეული საქონლის და მომსახურების ღირებულება.

1.2.8. პრეტენდენტის მიერ, „წინადადების მიღება დასრულებულია“ ეტაპზე, სატენდერო დოკუმენტაციის პრეისკურანტის წარმოდგენლობა პოზიციების განუფასებლობა ან არსებითად შეუსაბამო პრეისკურანტის წარმოდგენა (ერთეულის ფას(ებ)ი აღემატება შემსყიდველის მიერ მომსახურების პრეისკურანტის შესაბამის გრაფაში მითითებულ ერთეულის სავარაუდო ფას(ებ)ს ასევე მომსახურების შემოთავაზებული ფასი აღემატება მომსახურების ფასს, გამოიწვევს პრეტენდენტის დისკვალიფიკაციას აღნიშნულ ტენდერში;

1.2.9. მომსახურების გაწევის პროცესში, შესაკეთებელი ავტოსატრანსპორტო საშუალების სხვა სერვისცენტრში სავალდებულო გადაყვანის ხარჯებს უზრუნველყოფს მიმწოდებელი ორგანიზაცია (საწვავი, ევაკუატორის მომსახურება და ა.შ.)

1.2.10. მიღება-ჩაბარების აქტის გაფორმებამდე რაიმე ხარვეზის აღმოჩენის შემთხვევაში (თუ მომსახურება არ არის გაწეული სრულყოფილად) მიმწოდებელი ვალდებულია უზრუნველყოს მისი გამოსწორება (გაწიოს საჭირო მომსახურება და/ან ახალი შესყიდვის ობიექტის მიწოდება) არაუგვიანეს 2 (ორი) კალენდარული დღის ვადაში და/ან გონივრულ ვადაში.

1.2.11 მიმწოდებელს უნდა ქონდეს საკუთრებაში ან/და სარგებლობაში არსებული სერვის ცენტრი ქ. თბილისში (ერთი სერვის ცენტრი).

1.2.12 საკუთრებაში ან/და სარგებლობაში არსებული სერვისცენტრი აღჭურვილი უნდა იყოს თანამედროვე აპარატურით და დანადგარებით. სერვისცენტრში უნდა იყოს ავტო ამწე, კომპიუტერული დიაგნოსტიკის აპარატი ა.შ.

1.2.13 მომსახურების გაწევის ვადა თითოეულ შემთხვევაში არ უნდა აღემატებოდეს: • სავალი ნაწილებისათვის არაუმეტეს 2 კალენდარულ დღეს; • ელექტროობისათვის არაუმეტეს 2 კალენდარულ დღეს; • აგრეგატებისათვის არაუმეტეს 4 კალენდარულ დღეს; • ხანგრძლივი მომსახურების (ძრავი, ხიდი, სიჩქარეთა კოლოფი) გაწევის ვადა 15 კალენდარულ დღეს; • სათადარიგო ნაწილის საზღვარგარეთ შეკვეთის შემთხვევაში მომსახურების გაწევის ვადა 30 კალენდარულ დღეს.

1.2.14 ავტომობილის დაზიანებული ნაწილი უნდა შეიცვალოს ახალი (არა მეორადი) მაღალი ხარისხის სათადარიგო ნაწილით, ახალი (არამეორადი) სათადარიგო ნაწილები უნდა იყოს წარმოებული წამყვანი კომპანიების მიერ და შეესაბამებოდეს ავტომობილებისათვის დადგენილ სტანდარტებს;

1.2.15 სათადარიგო ნაწილებზე (ახალი, არამეორადი), შესაკეთებელ სათადარიგო ნაწილებზე გარანტია უნდა ვრცელდებოდეს არანაკლებ 6 (ექვსი) თვე, გარდა ცვეთადი ნაწილებისა, (როგორიცაა სამუხრუჭე ხუნდები, ჰაერის, კონდენციონერისა და საწვავის ფილტრები.) და იმ შემთხვევისა, როდესაც დაზიანება გამოწვეულია არასწორი ექსპლუატაციით გამოწვეულ დაზიანებებზე;

1.2.16 მიმწოდებელმა შემსყიდველის მოთხოვნის შესაბამისად (წერილი, ელ.ფოსტა ან/და სხვა საკომუნიკაციო საშუალებები) უნდა ჩაატაროს შესაკეთებელი ავტომანქანის დათვალიერება, რის შემდგომაც, მხარეები ადგენენ დეფექტურ აქტს, რომელშიც მითითებული იქნება გასაწევი მომსახურების/სათადარიგო ნაწილის სახეობა, რაოდენობა/მოცულობა, მათი ღირებულებები, მომსახურების გაწევის/საქონლის მოწოდების კონკრეტული ვადა.

1.2.17. საგარანტიო პერიოდის განმავლობაში გამოვლენილ ხარვეზებს მიმწოდებელი აღმოფხვრის დამატებითი ანაზღაურების გარეშე 1.2.14 პუნქტის გათვალისწინებით;